

CONRADVS ANTISTES HILDE SHEIMENSIS.



Conradus ex nobili familia de Risenberg in Vuederau natus est. Is amore literarum Parhisios profectus, ibi operam Theologię dedit, & in uirum doctissimum breui euasit. Inde Canonicus Moguntinensis, & postea Spirensis Decanus constitutus est. Cum in ea uitæ conditione pietate & doctrina alios longè superaret, communis sensu Hildesheimensis Ecclesiæ episcopus 29 electus est. Ibi potissimum Ecclesiæ negotia promovuit, atq; ciuilium rerum administrationem contemnens alijs commēdauit. Vnde clerum in officio continuuit, atq; multa monasteria uirginum & monachorum pāssim erexit. Cum etiam Lutetiae Dominicani & Frāciscani ei noti fuissent, eos in suā diocēsim asciuit. Otto Brun suicensis dux huic plurimū aduersabatur, atq; eum coram Lothario Cæsare accusarat. Verū cum eius excusatio audita fuisset, principum sentētia omni noxa liberatus est. Postea etiam Episcopo aulam ædificauit, atq; per 24 annos magna laude suæ ecclesiæ præfuit. Tandem cum ætate fessus quietem optaret, atq; huius mundi fastum contemneret, Episcopatum tumultuantem resignauit, atq; monasteriū Schonauu circa Heidelbergam ingressus Benedictinorum ordinem assumpsit. Ibi cum per tres annos piè uixisset, Anno millesimo ducentesimo quadragesimo octavo mortuus & sepultus est. Ano. Crantz.